

國史列傳

滿漢大臣列傳

卷六十一

任承恩

張若淳

姚 棻

李 封

趙 佑

胡季堂

任承恩山西大同人父舉四川重慶鎮總兵征金川戰歿自有傳承恩廕都司乾隆十四年詣闕謝

恩

諭曰原任總兵任舉奮勇捐軀前經加恩優卹廕襲其子今伊子任承恩來京謝恩召見時看來頗有出息但年齒尙幼著暫行回籍令伊祖母善爲教導撫養俟成立後來京當差二十四年

命在三等待衛上行走仍用都司頂帶二十九年授福建陸路提標左營遊擊三十二年調臺灣鎮右營遊擊三十六年遷江南六安營參將三十七年調淮安城守營參將四十年擢江南河標左營副將四十一年調漕標中營副將四十四年擢山東兗州鎮總兵四十七年以催漕出力

諭部議敘四十八年調江南壽春鎮總兵四十九年二月陞江南提督

賞戴花翎四月調福建陸路提督五十一年六月閩浙總督雅德參奏汀州鎮總兵武隆阿廢弛營務

上以汀州鎮係任承恩所轄交部嚴議部議革職

上從寬改革職留任十二月承恩奏漳州南靖縣獅頭山匪徒糾集夥黨屢劫傷人隨委鎮道親率兵役拏獲三十餘名搜獲器械多件又在平和縣琯溪地方官拏獲盜首陳薦等七名搜獲夥匪毆敢等十餘名

上嘉之時臺灣彰化縣屬大理杙奸民林爽文糾衆戕官滋事水師提督黃仕簡由廈門開洋往勦承恩調發官兵亦奏請自行赴蚶江對渡鹿仔港進攻

諭曰黃仕簡帶兵前往督辦匪黨自必望風潰散豈有水陸兩提督俱遠渡重洋置內地于不顧之理今既已渡台不須拘泥回任務須實力勇往會同夾攻速擒逆匪以冀尅日竣功復諭其鎮定持重厚集兵力一舉竣事毋得零星打仗致有挫失

時署鹿仔港守備陳邦光率義民已先期克復彰化賊仍據大里杙四出滋擾五十二年正月黃仕簡赴郡城防守南路承恩駐營彰化防守北路以兵單賊熾不敢遽進師久無功

上以任承恩自請赴臺勦賊既由鹿仔港進兵卽應督同陳邦光等上緊追捕並知會黃仕簡分路夾攻何以駐守彰化漫無籌畫又以任承恩與黃仕簡均係提督不相統率有互相觀望之意屢飭之

命來京陛見二月承恩奏分派員弁進勦將逼近鹿仔港之賊莊十餘處盡行燒燬又義民兵役社番人等擒獻僞將軍林里生及賊夥高玉等十三名并呈繳賊渠王芬首級又被害台灣府知府孫景燧彰化縣知縣俞峻鹿仔港巡檢馮啟宗之家人等呈繳印信二顆

上命總督常青爲將軍渡海督師

諭曰任承恩所辦雖有頭緒但殺賊甚少著常青察看情形如果任承恩奮勉得力卽令在彼督率弁兵追捕賊匪若不甚得力仍遵照前旨飭令赴京陛見候朕面訊一切承恩又奏拏獲

奸僧西葉心向新法三名訊知林爽文攻府城不克復由諸羅斗門繞回大里杙因派遊擊海亮都司馬元勳等赴馬鳴山虎仔坑各路防守海亮至柴仔坑遇賊斬殺數十人進至荊仔尾賊從竹圍突出千總葉榮吳聯貴戰歿

諭曰任承恩既知林爽文潛回巢穴自應親往搜捕乃僅分派遊擊都司等零星堵禦殺賊甚少而千總葉榮等轉被傷陣亡更屬不成事體任承恩輕分兵力損失威重惟就已得之處駐筭觀望是誠何心著嚴行申飭又

諭曰黃仕簡任承恩並不親臨行陣貽誤事機著常青查明參奏先行拔去花翎嗣承恩以賊衆各路蔓延派都司張奉廷埋伏大肚山田坎誘賊至山下三面攻殺斃賊甚衆又派都司馬元勳至瓦窰莊勦殺放火斃賊匪數十人生擒匪犯陳鞭何宴二名又鄉勇陳喜隆擒獲賊目謝華林芳等奏入

諭曰任承恩所奏各路之賊動稱數百數千而斬獲首級不過一二十顆生擒者亦不過一二名看來皆不實在常青嚴查毋任朦混三月林爽文匪衆繞過大肚山由番婆莊來攻鹿仔港

承恩卽令遊擊穆騰額等帶兵堵禦總兵普吉保用鎗砲橫擊之賊大敗四竄生擒賊夥十六名奪獲銅鐵砲鳥鎗藤牌無數並于賊屍內搜獲結盟書信五紙

諭曰林爽文既親至鹿仔港滋擾任承恩正當親率弁兵迎頭痛勦何以僅派游擊等打仗且與普吉保現在一處普吉保既帶兵勦賊而任承恩竟安坐鹿仔港豈欲因人成事抑待自斃乎殊出情理之外任承恩斷不可再留該處著常青卽傳旨將任承恩解任任承恩卽行赴京候旨尋賊匪窺伺八卦山普吉保乘勢搶上山梁扼賊來路承恩親督副將林天洛清查彰城內外窩藏賊匪忽有賊七八千人從山凹突出承恩與普吉保督兵夾攻殲賊甚多生擒二十七名奪馬五匹獲鳥鎗藤牌旗幟長鎗多件

諭曰任承恩一味遷延直至此時始同普吉保親往進勦此次亦因普吉保進攻八卦山賊棚任承恩不過隨後策應著常青將任承恩是否親赴八卦山打仗及所報殺賊數目確實秉公嚴查如有捏飾虛報情弊卽行據實參奏嗣新任總督李侍堯

至任奏報軍務情形亦以南北兩路提督各有牽掣不免坐費時日

諭曰任承恩經朕屢加拔擢用至提督年力正強理應加倍奮勇乃亦逡巡畏葸與黃仕簡互相諉卸實屬辜負朕恩卽著傳旨革職拏問四月李侍堯奏任承恩雖未能奮勇殺賊然鹿仔港至今得以無恙亦賴此兵勢隱爲聲援若鹿仔港不守則蚶江遂無進兵之口于台地全局大有關係常青亦奏黃仕簡任承恩雖坐守不前然正在用兵緊要之時仰懇

聖恩令其帶罪奮勇殺賊以贖前愆上不許交刑部治罪

諭曰任承恩係任舉之子前在金川出兵時受傷陣亡其次子任承緒又以巡捕營遊擊因救火得傷身故無子任承恩現無子息若將伊正法是任舉臨陣捐軀竟至絕嗣朕心實有所不忍俟到部時可加恩貸其不死嗣刑部擬罪如律十一月特恩免勾五十三年二月

諭曰任承恩若仍令永禁園圖則伊父任舉終不能有後殊非

軫念勞臣之意現在台灣已屆竣事任承恩著加恩釋放勒回原籍閉戶靜居思過五十五年恭遇

八旬萬壽承恩與罷職諸員建設經壇祝

嘏

命以巡捕營參將用尋陞京營副將嘉慶二年卒

張若淳安徽桐城人祖英文華殿大學士父廷玉保和殿大學

士三等伯俱有傳若淳由貢生捐納主事于乾隆十四年引

見授刑部主事十五年終養回籍丁父憂二十二年服闋二十

三年補缺

命在軍機處行走二十六年五月擢員外郎十二月擢郎中二

十七年京察一等二十九年奉

旨記名以繁缺知府用三十年授雲南澂江府知府三十五年

擢四川建昌道三十六年因在滇辦理安南國黃公纘一案獲

咎奉

上諭張若淳於辦理安南國黃公纘一案不詳悉稟商上司輒以州境並無其人率令該州移覆殊失示信外夷之體固屬咎

有應得第念伊係大學士張廷玉之子現在張廷玉子孫無名列仕籍者殊爲可憫張若淳著加恩免其治罪以四品小京堂用三十七年授太僕寺少卿三十八年擢通政使司副使四十四年授通政使司通政使四十五年丁母憂四十七年服闋四十八年復任通政使司通政使五十年擢都察院左副都御史五十一年四月授內閣學士兼禮部侍郎十一月奏南方山谷間起蛟患于陸地卽成巨浸雖有智力俱無所施傳聞雍正年間魏廷珍在江省時著有伐蛟說並未聞其陳奏惟詢諸父老相傳育蛟之地霜雪不積入山尋挖形跡立見且開挖不過數尺即能免害又上年豫省被旱蒙

皇上軫念飭令種薯濟食因思南方土性較潤植此必易蕃衍請

勅下南省各督撫於平時講求除蛟之法并將原任撫臣陸燿

所著甘薯錄飭交江浙令其學爲救患防災之計

諭曰據張若淳奏請申伐蛟之令以除民患並請于江浙地方學種甘薯以濟民食等語江廣一帶每于大雨時行間有起蛟

之事深爲民害自應搜尋挖除防患未萌至甘薯一項廣爲栽種可濟民食上年已令豫省栽植頗著成效此亦備荒之一法著傳諭各督撫將張若淳所奏二事酌量辦理於地方興利除害亦屬有益五十三年扈蹕避暑山莊射中布靶二箭奉

上諭向來漢大臣官員有射中布靶三箭者朕每格外加恩賞戴花翎以示鼓勵是以前日張若淳曾中二箭因不合式未賞本日汪承霈前來熱河帶領引見詢及伊從前射靶時止中二箭卽賞戴花翎前日張若淳亦中二箭未經賞給汪承霈係協辦大學士汪由敦之子今張若淳亦係大學士張廷玉之子且肯留心習射尙屬奮勉著加恩一體賞戴花翎以示朕眷念舊臣之意五十四年

諭曰工部侍郎員缺著張若淳補授張若淳雖非科甲但尙謹慎且係大學士張廷玉之子特加恩擢用以示朕眷念舊臣至意五十六年調刑部侍郎五十七年十月陝西蒲城縣監生馮廷連控知縣匿灾扣賑浮徵等款

命若淳偕蘇凌阿往讞十二月奏蒲城六月被旱該縣李衍孫

先請停徵平糶繼請給籽種七月開放粥廠分食大口二十人或小口四十人每廠各派紳士十人公正協辦又花戶納糧俱交糧正在旁同封同拆新舊戥子俱有藩司印烙花押是匿災扣賑浮徵不獨詢之紳士郡民皆稱捏造卽馮廷連亦自認誣告惟該縣違例勒派糧正向各里勸捐修理文廟兼曾向錢鋪借貸一次并放賑之期藩司飭定七月二十一日該縣延至二十六始行開放三款審非全虛應交部分別議處下部議行六十年四月陝西安定縣民王道生控知縣擾買擾累等款先經步軍統領衙門奏陝西富平縣民雷增科控知縣重徵科派一案已奉

旨交督臣勒保審辦茲奉

諭曰此案及前富平縣民控告重徵科派一案俱著景安張若淳馳驛前往會同勒保秉公查審定擬具奏六月奏五十九年富平縣麥生蠶蟲經撫藩各臣勘不成災惟將蟲傷較重之臨潼等縣奏請緩征奉

恩豁免本與富平無涉雷增科因縣地接壤致疑重徵已自認

誣告又富平風俗每逢燈節城鄉各民自行釀錢裝辦戲劇從無知縣科派之事雷增科亦自認架詞聳聽之罪惟該縣賈杰于奉文買補倉穀並不自行買運輒違例發銀交糧正張志敏等八人代買又失察倉書樊汝績于交穀時每石索制錢四文共詐贓制錢二十九千有零應請革職并治雷增科以誣告之咎七月奏安定有歷年平糶倉穀未補五十九年該縣周冲傳集各甲戶首令其向各戶收買復于收穀時淋尖斛面每石約多收二升又倉書南慶徵每石索錢五文採買擾累應請革職治罪至王道生所告五十六七兩年採買折價及率領軍流各犯拿人重欺審係全虛應以誣告科罪俱下部議行嘉慶元年三月

命兼管順天府尹四年正月調工部侍郎四月

諭曰莫瞻棖著兼管順天府尹事務張若淳年已就衰毋庸管理七月

命管帶工部印鑰五年正月調戶部侍郎尋授兵部尙書并命在紫禁城騎馬仍管順天府尹事務五月調刑部尙書九月

命管理戶部三庫事務六年四月保和殿策試新貢士侍衛羅布藏多爾濟搜出第七十四名左德修挾帶策底三紙監試王大臣奏稱當經查問據供與刑部尚書張若淳係屬親戚若淳曾囑伊小心挾藏恐被臨場搜出奉

旨張若淳著解任交軍機大臣一併嚴審定擬復

命添派儀親王成親王慶郡王公同會訊旋審奏張若淳與左德修雖係親戚左德修住德勝門內佑聖禪林教讀相去杳遠榜發後左德修祇到張若淳家一次見面道喜並無他語嗣後亦並未晤面詢之管守書館之伊塞塞亦稱左德修中後祇出城一次平日亦未見張若淳到寺又據羅布藏多爾濟等稱左德修被搜時有不聽張親戚小心謹慎之言是張若淳並無囑令挾帶等事

命照舊供職并

諭以王大臣等所奏係屬一時疎率斷非有心傾陷張若淳不得心存芥蒂十一月

恩賞黑狐端罩七年六月

命留京辦事七月二十五日患病請假

諭曰張若淳現在患病著加恩賞假調治所有刑部尙書著熊枚暫行兼署至張若淳卽病勢就痊亦著專辦刑部事務其留京辦事著改派劉墉二十七年卒三十日奉

旨刑部尙書張若淳本係世家歷任卿貳供職有年小心謹慎自拔擢以來辦理部務均尙妥協茲聞溘逝深堪軫恤張若淳著加恩晉贈太子少保其任內降罰處分悉予開復所有應得卹典著該部察例具奏事下禮部題奏

賜祭葬如例諡勤恪長子曾誼原任浙江按察使次子曾謙以正二品廕生授主事

姚棻安徽桐城人乾隆十五年順天鄉試舉人考補國子監學正二十六年中式進士除湖北宣恩縣知縣引

見改甘肅靖遠縣遠民不善溉田棻造水車教之灌興義學使讀書開金石峴以利行旅又立興靖堡集場通貨物民便之二十九年調知臯蘭縣時有盜殺鹽茶廳民王洪訓盜不獲廳役執張舉教之誣服廳不察定讞總督楊應琚令棻覆訊盡得其

誣服狀張舉乃得釋三十二年鹽茶廳巨窩馬得鰲養無賴子
四出爲盜總督吳達善令茶偕遊擊董果往捕得鰲窩盜久家
益富居無定所茶蹤跡獲之並其黨閭進才等十一人事
聞

諭曰姚茶一經派委卽兼程探獲巨窩頗屬能事十月擢固原
州知州三十三年遷湖北安陸府知府三十四年調知武昌府
三十五年隨吳達善至古州獲兇苗多人得
旨議敘三十九年

上以施南府民情糅雜訟獄繁多非強幹廉潔之員未能區畫
調茶知施南府知府四十一年改福建漳州府知府四十三年
巡撫德保請調茶知福州府

諭曰漳州一郡濱海民俗刁悍最爲難治其緊要數倍于福州
朕素知姚茶能事特從湖北調任該郡實因地擇人豈可輕于
更調四十六年擢汀漳龍道四十九年授廣東按察使五十年
陛見

上詢之茶母年過八旬苦節六十年

賜栢貞萱壽匾額一大緞二貂皮四

諭令回任時順道省視迎母就養五十四年授江西布政使八月茱詣熱河

行在陳謝復

賜其母大緞貂皮如前數五十五年

命署江西巡撫疏言江西錢文模糊發局另鑄令局員賠經費又言豐城爲章貢下游衆水匯注境內石堤四十丈餘皆土堤春夏水漲甚爲民田害應于險要改建石堤五十丈俱如所請行是年

上八旬萬壽茱至京

賜服物瓜果茱以其母手繪羅漢冊進

賜其母大緞二貂皮六十六年疏言建昌屬界閩省請于要隘設卡以絕私販

從之五十七年六月以母憂去官五十九年六月

上以茱將服滿

命署廣西巡撫六十年二月授貴州巡撫旋改雲南巡撫時軍

務未竣

諭福康安如貴州省城需大員駐劄可留姚棻在彼遂留貴陽五月授福建巡撫先是棻任汀漳龍道所屬虧官帑至是事覺解任質

上以棻非入己仍

命暫護撫事嘉慶元年

諭曰姚棻自護理以來尙知湔誨仍護理如故又以海盜張表率衆投首

恩賞黃辦大荷包一對小荷包四箇中沿海民捕魚爲生無賴者卽藉捕魚通盜爲之銷贓濟糧與海上盜狼狽爲姦棻編保甲凡漁船舵手令澳甲指名保任容隱則坐之獲銷贓匪王安等五十餘人抵罪汀州民陳觀德娶婦漳州途遇外委汪國生等姦盜建陽役梁高游江中詐取余章貴錢貴債溺死事俱在乾隆五十八九年間棻檢積盡捕得之二年以痺病乞休

許回籍調理四年奉

高宗純皇帝哀詔棻以手足不仁未能匍匐赴闕奏入